

Nipilersorneq C - 2022

1. Ilanniartitsissutip inisisimanera

Nipilersorermik ilanniartitsissummi atuagarsorneq-ilisimatusarneq, kusarnartulerineq, equmiitsuliamik pilersitsineq nipilersornerullu nunarsuarmi takutitseriaataaneranik tunngaveqarluni tusarnaartitsinermut sammitinnera kaitinnerisigut, inulerinerup, pinngortitalerinerup inuiaqatigiilerinerullu ilaat ataatsimoortinneqarput. Nipilersorermik ilanniartitsissut ilanniartitsinermi avatangiisinut Kalaallit Nunaannilu kulturikkut inuunermut pingaaruteqaqaaq, nalinginnaasumik perorsaataanermigut, ilinniagaqarnissamut pereersaataanermigut, kinaassutsimik ineriartortitsisuunermigut kulturimillu pilersitsisuunermigut.

2. Ilanniartitsissutip siunertai

Ilisimasat piginnaasallu

Ilanniartut ilisimasaqarnikkut piginnaasaqarnikkullu ilanniartitsissummi sakkussaqassapput, taamaalillutik nipilersorneq pillugu nipilersoriaatsini ineriartortitsinissamut piviusunngortitsinissamullu piginnaasaqassallutik.

Ilikkagaqartarnermi sulinermilu piginnaasat

Ilanniartut nipilersorermik pissutsinillu nipilersornermut tunngasunik nalilersuinermik suliaqarsinnaassapput aammalu nipilersornermi takussutissanik, nipilersorermik ilinniarnermk, tusarnaarnermk ilinniarnermk nipilersornermilu atuagarsorermik suliaqartassallutik.

Inuttut inuillu akornanni attaveqaqatigiittarnermi piginnaasat

Nipilersoernup ilanniartut suleqatigiinnissamut itisilerinermillu pisinnaasaqarnerat inerisartarpaa, nipilersornikkullu ataatsimooqatigiiffinnut peqataalernissamut periarfissiisarluni. Kusanartulerilluni ilikkariartornermi pisartut aqqutigalugit. Ilanniartut saqqummiisinnaanermik misigisaqarnissamullu sammisunik piginnaasaat patajaallisarneqartarput. Nipilersornermi piginnaasanik nipilersornermillu suliaqarnermi ilinniartut akisussaassuseqarnermk, imminut aquassinnaanissamik nammineersinnaanermik isiginninniartarnermillu suleqatigiinnermillu takutitsissapput aammalu sivisunerusumik suliaqarnerit ingerlasinnaallugit.

Kulturikkut inuiaqatigiillu akornanni piginnaasat

Ilanniartut nipilersorermik paasinninnerup aamma kulturimik avatangiisinillu paasinninnerup annertusarnissaat siunertalaralugu, nipilersorermik suliaqarnermut atatillugu, nunarsuarmut oqaluttuarisaanermut, inuiaqatigiinnut kultumullu atassuteqartitsinerit ilanngutissavaat..

3. Ilikkagassatut anguniakkat imarisaalu

3.1 Ilikkagassatut anguniakkat

Ilanniartut uku piginnaalissavaat:

Nipilersorermik piginnaasat

- a) Nipilersornermi ilisarnaatit taakkulu atorneqartarfii sunniutaallu suussusilersinnaassavaat – piffisanut pingarutilinnut, assigiinngissutaannut nipilersoriaatsinullu naleqqiullugit,

- b) Nipilersukkanik misissueqqissaarneq naapertuuttumik nunarsuarmut tamarmut, oqaluttuarisaanermut aamma assigiinngissutsinut nipilersoriaatsinullu inisisinnaanissaat,
- c) Ilanniartitsissummi ilisimasat periutsillu atorlugit ajornartorsiutinik misissuineq aaqqiissutissanillu ineraallunilu naliliineq,
- d) Tunngavissat ilanniartitsissummut naapertuuttut ujartorlugillu atorsinnaanerat,

Nipilersornermik ingerlatsineq

- e) kisimiilluni – nipilersuutilluunniit atorlugit – kalaallit nunanilu tamaneersut erinarsuutaannik aamma kisimiilluni tulleerillunilu erinarsuutaannik nipiersuutillu ilaannik erinarsorneq nipilersorneriaatsinillu piginnaasaqarnermik takutitsineq,
- f) nipilersuutinik saniatigullu atortunik tusarnaartitsinerit annikinnerusut ingerlannissaannut pisariaqartunik ikkussuineq, atuineq piiaanerlu.

3.2. Ilanniartitsissutip imarisai pingarnerit

Ilanniartitsissutip imarisai pingarnerit ukuupput:

Nipilersornermik piginnaasat

- a) tunngaviusumik nipilersornermik ilinniarneq tusarnaartarnermillu ilinniarneq,
- b) nipilersornermi anguniakkat piffissani pissutsimikkut assigiinngitsuni nipilersoriaatsititigullu assigiinngitsutigut nipilersukkat aqqutigalugit ilisimatusarnerat,
- c) piffissat pissutsimikkut assigiinngitsut nipilersoriaatsillu oqaluttuassartaat aamma nipilersornermi kulturimi pissutsit, tasmatumunnga ilanggullugit kalaallit nipilersugaat,
- d) immikkut ilisimatusagaq,
- e) digitamik nipilersornermi saqqumeeriaatsit atorlugillu paasinissaat,
- f) allatat naannerusut ilanniartitsissutip imarisaaanut pingarnernut attuumassutilit,

Nipilersornermik ingerlatsineq

- g) timi, nipi nipilersuutillu atorlugit nipilersorneq,
- h) nunami namminermi nunanilu allani ataatsimik nipilerluni tulleerillunilu erinarsukkanit nipilersuutillu atorlugit nipilersornermi immikkoortut toqqakkat assigiinngiaartut,
- i) nipimik tunngaviusumik pilersitsineq, rytmemik, bassimim akkordimillu nipilersuutini tekniki ajornannigitsoq aamma
- j) nipilersukanik sungiusarneq nipilersornerlu.

3.3 Illassutitut ilinniakkat

Ilanniartut taamaallaat pingarnertut ilinniakkat atorlugit ilikkagassatigut anguniakkat angusinnaassanngilaat. Illassutitut iliniakkat pingarnertut ilinniakkat sanilliussiffagalugillu itisilissavaat, nutaamik eqqarsalersillutik, pitsaassuseq pillugu ilinniartut paasinninnerat ilisimasaallu patajaallisassallugit aamma iliniartut ilanniartitsissummut atatillugu attaveqarnissamut tunngavissillugit. Tassuunakkut iliniakkap pingarnertigut anguniagaanik piviusunngortitsisinnaaqquillugit.

4. Ilanniartitsinerup aaqqissuunnera

4.1 Ilinniartitseriaatsimi periutsit

- a) Ilinniartitsinerni ilinniartut ilinniakkani qaffasissusiat ilisimasaallu aallaavigineqassapput.
- b) Ilinniartitsineq imatut aaqqissuunneqassaaq ilinniartitsisut ilinniartullu akornani ilikkagaqartarnermi oqaloqatigiittarnerattut sapinngisamik isikkulerlugu.
- c) Ilinniartitsisneq ima aaqqissugaassaaq, ilinniartunit saqqummiinerup ilisimasanullu tunngasut imminnut ataqtigiiherat misigineqarsinnaanngorlugu.
- d) Ilinniartitsineq ima aaqqissugaassaaq, ilinniartut nipilorsornermik misigisaat aamma ilinniartitsissummi teoriinik, oqaatsinik periutsinillu pisinnaasaqarnerat pitsaanngorsarneqarluni, ilinniarneriaatsit tiggussaasut teoretiskiusullu akuleriisinnerisigut.
- e) Ilinniartitsineq ima aaqqissugaassaaq, ilinniartut assigiinngitsut, ilikkariartopriaasii pisariaqartitaallu mianeralugit.

Nipilorsornermik ilinniartitsinermi ilikkagaqartarnermi aaqqissuussamik uku sammineqarput, tassani pisuniit malittarisassanut eqqarsartarneq nassuaasiornrmi tunngaviit ilaallutik:

- a) Tusarnaarneq misigisaqarnerlu,
- b) Nipilersuutinik pioreersunik nipilorsorneq,
- c) ilaarsineq,
- d) nipilersuusiorneq, (nipilersuusiorneq, piareersaqqaarani nipilorsorneq, aaqqissuineq),
- e) nassuaasiorneq aamma
- f) qisuarialeqneq ilikkagaqartarnerup ilaatut.

4.2 Suleriaatsit

Ilinniartitsissutip imarisai pingarnerit aallaavigalugit ilinniartut ilisimalersinneqassapput nipilersornikkut anguniakkanik, taaku atorneqartarnerinik sunniutaannillu aamma nipilersornerup ataqtigiiissutsillu imminnut attuumassutaannik, n ipilorsornermik sungiusaatit nipilersornermillu pisinnaasat pillugit suliassat aqqutigalugit.

Sammisaqtitsineq tamarmusoq tunuliaqtaassaaq, ilinniartut ilinniartitsisullu suleqatigiillutik immikkut ilisimatusakkamik sammisaqarnissaannut. Ilinniartitsinerup tamarmiusup naalernerani immikkut ilisimatusakkamik suliallu ilisimatusakkat illugiisillugit sanilliussineq suliarineqassaaq.

Nipilorsornermi sapernarsiartuaartitsineq suliarineqassaaq ilitseruilluni, issuaalluni ilinniartitsisumillu aquatasumik ilinniartitsinermiit nipilersornikkut nammineernermut suleqatigiinnermullu. Anguniarneqassaaq nipilorsornermik tiimini ataasiakkaani tigussaasumik teoretiskimillu suleriaatsit kiisalu suleriaatsit assigiinngitsut paarlakaanneqarnissaat. Ilinniartitsinerup ilaatut nipilorsornermi anguniarneqassaaq tusarnaartunut saqqummiussinissaq. Tulliullugu eqqarsaatiginninneq nipilersornikkut ineriartoqqinnissamut tunngaviussaaq. Ilinniartut ilinniartitsinerup avataani ilinniarfiup atortuineq inaanillu atuisarnissaq piumasarisinnaanngilaat.

Ilinniartitsinerup tamarmiusup affaani kingullermi nipilersornermi ilinniakkanik nipilersoqatigiinneq, nassuaaneq saqqummiinerlu suliarineqassaaq – nammineq nipilersusianik allalluunniit nipilersusiaannik.

Nipilersorermik ilionniartitsineq nipilersornikkut inuunermut avatangiiserisamut attaveqalernermik pilersitsissaq. Ilinniartitsissutip nipilersornerup ilinniartitsissutillu atorneqarfiata naapinneranni ilinniartut nipilersornikkut piginnaanngoriartornissaat aamma pitsaassutsimik paasininnerat patajaallisarneqassapput.

Ilinniartut ilinniartitsinermi oqaatsinik ilitsoqqussaralugu oqaasillit aappaattullu oqaasillit mianerineqassapput.

Allattariarsorluni sulineq pilersaarusrusiorneqassaaq ajornarsiartuaartitsineq periutsillu ilinniartut ilinniartitsissutinit allanit allattariasornertalinnit ilisarisinnaasaat atorneqarlutik. Sungusaatit ajornannginnerusut aqqutigalugit ilinniartut nipilersorneq nipilersornermillu ingerlatsinerit pillugit allalluni saqqummiisinnaaneq sungiusassavaat. Tamatuma nipilersorermi ilinniartut oqariaatsinik pilersitsiartornerat tapersissavaa. Klassimi ilinniartut akissutaat ingerlaavartumik saqqummiunneqartassapput, nalilersuinissaq pitsanngorsaananissarlu siunertaralugit.

4.3 It

It ulluinnarni ilinniartitsinermi pingaarutilimmik inissismassaqaq, ingerlatsinerni ataasiakkaani, allalluni sulinermi aamma nipilersorlu digitalimik saqqummiusseriaatsini.

Nipilersuutinik, videonik raadiumiillu pissarsisinaneq kiisalu internetimi inuit attaveqartarfiinik toqqorsivinnillu sullisisunik atuisinnaaneq ilinniartitsissummut ilaapput.

Ilinniartut ilinniartitsissummi ineriartornermut tapersiutitut namminneq ilikkagaqartarnermi digitalimik piginnaasaminnik uku aallaavigalugit atuisinnaassapput:

- nipilersuutinik nipilersoriaatsimik digitalinngorlugu ingerlatitseqqiisarnerannut ilaassapput tapiissutaallutilu
- nammineq allallu nipilersuutaannik atuinermi nutaaliorsinnaassapput, akisussaassuseqassapput ataqqinnillutillu, tassunga ilanggullugit nipilersuutinik toqqorsivimmit allammut nuussisarnerit

4.4 Ilinniartitsinermi oqaatsit

Ilinniartitsineq imatut aaqqissuunneqassaaq ilinniartitsissutip siornani studiemi teknikkimi taaguutinik eqqortumik paasinnitoqariartorluni atuisinnaajartortoqarlunilu. Ilinniartitsineq imatut aaqqissuunneqassaaq ilinniartut ilinniartitsissumi oqaatsinik aammalu ilinniartitsissummi oqariaatsinik paasinnittarnerat atuisarnerallu aaqqissuussamik ineriartortinneqarluni. Ilinniartitsinermi paasisaqlarluni, nalilersuilluni nassuaallunilu tusarnaartarneq suliarineqassaaq. Tamanna aallaqqaammut ilinniartut namminneq misigisaqartarnerminnik oqaasertalersuinerannut aallaaviussaaq, kingornatigullu ilinniartitsissummi taaguutinut nutserisoqassalluni. Nipilersorneq pillugu oqaatigisanik oqaliinermi siunertaavoq ilinniartut tusakkat nipilersukkallu pillugit isummernissamut tunngavilersuinissamullu ilinniarnissaat.

4.5. Ilinniartitsissutinut allanut atassuteqartitsineq

Ilinniartitsissutip imarisassa aamma ilassutaasumik ilinniakkat ilaat toqqarneqassapput suliarineqarlutillu, ilinniartitsissutit ilinniakkamila sammiviup imminnut ataqtiginnerisa patajaallisarnissaannut peqataasussangorlugit. Ilinniartitsinerup aaqqissuunnerani, ilinniartut tamarmik immikkut ilinniartitsissutinit peqataaffigisaannit ilisimasat pisginnaasallu ilaatinneqassapput, qulequutanik sanilliussinermut ilinniartitsissutillu nalinginnaasumik perioriaruutaanerata erseqqissarnissaanut atorsinnaaqqullugit.

5. Naliliineq

5.1. Ingerlaavartumik naliliineq

Ilinniartut suliakkiissutinik kiisalu immikkut ilisimatusakkamik suliaqarneri saqqummiinerilu tunngavigalugit ilinniartitsisup innersuussutigisassavaa qanoq iliorluni ilinniartup ilinniartitsissummi anguniakkat suli qaffasinnerusumik piviusunngortissinnaanera.

Nipilersornermik ilinniartitsissutip nipilersornermik sammisaqarnertaata nassatarissavaa nipilersorluni suliat ingerlaavartumnik nalilersortarnissaat, taamaalillunilu naliliineq tassaavoq ingerlatsinerup ilaa pissusissamisoortoq pisariaqartorlu. Nalilinermut tassunga ilaassapput ilinniartitsissutip eqqumiitsuliornikkut imarisai. Ilinniartunik eqikkaalluni nalilersuinermi nipilersornermik sungiusarnerit nipilersornermillu ilisimasaqarneq naligiisinneqassapput.

5.2. Misilitseriaaseq

Killiffik C-mi inaarutaasumik misilitsittoqassanngilaq.